

Án-niá ê Bǎk-sái (Siōngkòan) 母之淚上卷

4. Bókiáⁿ thǐkhàu

Thiⁿ bô pàngsak lǎng, kǐjiân ũ chít sut'á hóanhóe, pēⁿ chiū chiāmchiām hó. Kàu gòehgōajit āu chiū iūgōan chiàugōan.

Tī Kaⁿlāi ê kuikí sī chin giâm. Múi lépài chhiáⁿ kúinā ê Bòksu lái tī Kaⁿ lái kóng tōlí hō hōanlǎng thiaⁿ ; chóngsī Thiansù ah kàukék ngēsím, ũsī teh phòapēⁿ, chit hāng hit hāng m̄ gōan sēngsiū tōlí. Chia chhiáⁿ ànhā.

Kóng in lāubó tùi chhiathâu tòkhi, kàu kin'ájit 4 nī lah, táksí liām i ê kiáⁿ, koh tùi hoatīⁿ thongtí, kóng in kiáⁿ tī pòⁿlǒ³ cháuhōan, ketēng 2 nī. Sim ná kankhó³, siūⁿ tiòh chiū háu. Iā Thiansù ah ê bó³, tī i boeh khi ê sī íkeng ũ sin, khi liáu chiáⁿ pòⁿnī, chiū seⁿ chít ê chabókiáⁿ, in má ká i hochò Mátán ah, ìsù sī amá tittit teh tán in apa tòlái, simpū nā khòⁿ chit ê kiáⁿ, iāsī bǎksái chún p̄ng thun. Kin nī 4 hòe, phutphut thiàu, chin óahāng, tit lǎng thiàⁿ ; chóngsī m̄ bat khòⁿkiⁿ lāupē. Hokgōanⁿ ê bǎkchiu tiāⁿtiāⁿ háu sòⁿ pìⁿ chin bū ; Hokgōan peh lāuhòe'á khi bé kiāmsngtiⁿ ; take simpū ká lǎng sé saⁿ, giáhchiam, lái tō³ kòe jit ; siómōai Bíhōai ah kin nī 12 hòe lah, sió hákhāu 2 liân seng, seⁿchò chin súi, koai, koh gáu thákchheh, thang chò thongke ê anù.

Koh kóng kàu Thiansù ah tùi pēⁿāu, sim chít sut'á khah hóanhóe, Sói khah kutlát chò kang, ták hāng chiàu kuikí ũ lésò. Tùi ánni Phūlōng sótiúⁿ chiū téksià i chhun 5 nī. Kàu 5 nī chiok, koaiⁿkaⁿ tē 5 nī ê 6 gòeh bóe, tùi kaⁿgák ũ chít tiuⁿ phoe kià tò lái, thiah khui chai sī in kiáⁿ Thiansù ah kiàe, thongke hoaⁿhí kàu lâu bǎksái.

Phoe tǎikhài sī kóng i tī hia gūpēⁿ hiám sí, iā taⁿ i ũ hóanhóe, kaⁿgákⁿtiúⁿ beh hō i tī āu gòeh jit tòlái. Thákliáu tǎike mǎmá khàu, Hokgōanⁿ chhut khi tiāⁿ tiongng kúi teh pài thiⁿtē.

Kàu 7 gòeh 15 jit chákhí thiⁿ phú kng, ũ chít ê lǎng giáh kóaiⁿ'á, chhēng chháuê, ikoan chéngchê, pōe hit ê pauhók'á tittit tùi tōamng jiplái. Hokgōan m̄ ah thàuchá khílái beh khui m̄ng, khòⁿ tiòh, chai sī Thiansù ah ! 2 ê bó á kiáⁿ lám teh tittit khàu. Thiansù ah kúi lòh kiò kóng, Ánniá ! Góa ũ tekchōe thiⁿ iā ũ tekchōe lí, góa chin kiànsiàu m̄ káⁿ kiòchò lí ê kiáⁿ. Chit sí kiaⁿchhéⁿ Hokgōan peh, lāibīn ê lǎng chōngchōng chhut lài. Mátán ah 5 hòe iā kap lǎng khàu kah mǎmá kiò, chhùpiⁿ tǎike lóng cháu lái khòⁿ, m̄ chai, kiò sī siáⁿ lǎng chamê sí. (Che sī hoaⁿhí ê kékthâu) . Chhùpiⁿ khòⁿ liáu, iā hoaⁿhí kàu bē kòtit. Thiansù ê bó iā chin hoaⁿhí, ũi tiōnghu chiú seⁿkóⁿ 5 nī, iā kò³ chít ê kiáⁿ. Thiansù ah chiū phō kiáⁿ, chiong pauhók'á hō hūjīn lǎng kōⁿ, tǎike jip thiaⁿ nih, Mátán ah kimkim siòng in lāupē, m̄ bat khòⁿkiⁿ. Chit sí kelái tōa hoaⁿhí, chiū liāmpiⁿ pīpān chiáh chátng. Chiáh pá tháu pauhók, jip kaⁿgák 5 nī thàn óa 300 kho, iā óh chit hāng kanggē : ē hiáu chò tīnī, tīnnā, kanghu chin hó. Chiū chiong ch̄ⁿ thèh kautāi lāupē. Lāupē iā hoaⁿhí kàu lâu bǎksái. Chit ke ê hoaⁿhí oh tit

hêngiông, chhinchhiuⁿ beh sí ê katêng koh hókheng. Hokgôan peh chiū khi bé chhài, hit mê pān chheⁿchhau, chhiáⁿ chhùpiⁿ lîniú saⁿkap hoaⁿhí.

Thiansù ah iā putchí lîpchì, tùi chia khí, beh jînchin kengêng ê khóansit, chiū chiong só[’]ū ê chíⁿ, chít pòⁿ khi bé tín, lâi khui tíni tiàm,tiàmhō hōchò Hokheng. Chò nîgōa senglí chin hó, khósioh chíⁿ bô thàn, sòa chhōa sêi, sêi tekthióng lōngkôan, lāibīn chhàⁿchhàⁿ kiò, putsî oanke. Sêi siongiong hó kòe ê lāng ê chabó[’]kiáⁿ, koh ū thákchheh. Sói tit Thiansù ah thiàⁿ, khóanthāi tōa bó[’]sòa pìⁿ chò chhinchhiūⁿ chabókán, Mátán ah beh chít chiam iā tiòh tùi in aniâ thêh. Inūi in lāupē kiò Mátán ah tiòh kiò sêi ánniá, iā kiò tōabó[’]chò abó. Ah ! khólîn, ūi i siūkhó, khîⁿke, chiú seⁿkóaⁿ ê thâumng kiathoat, kin’ájít lóng bô chít sut’á siūⁿ tiòh. Tiòh chúchiáh, liân sêi ê saⁿ iā tiòh kâ i sé. Beh chhutkhi nā bô mng sêi ū siaⁿ tō m̄ káⁿ khi ; chóngsī Take khah thiàⁿ tōaê : inūi sī chū sè ioê, ná chabó[’]kiáⁿ leh. Sói ū chít jít, Thiansù ah chhutgōa pòhòe, chhùnih 2 ê tōabó[’]sêi oanke. Take ū phah sêi. Sêi m̄ gōan, Thiansù ah tò lâi kâ i tâu, Thiansù ah chiū phah tōabó[’], chít ke lōan chhauchhau. Hit mê tōabó[’]chhehsim tùi āubóe chhutkhi, beh khi thiàu lóh chúi (Khng lāng m̄ thang chhōa sêi, úntàng bē hó) .